

# CYNGOR SIR

## DYDD MERCHER, 22AIN CHWEFROR, 2017

**YN BRESENNOL:** Cyngorydd E. Morgan [Cadeirydd]

Y Cyngorwyr:-

S.M. Allen	D.J.R. Bartlett	S.M. Caiach	C.A. Campbell
J.M. Charles	A.P. Cooper	D.M. Cundy	A. Davies
D.B. Davies	G. Davies	I.W. Davies	S.L. Davies
W.R.A. Davies	T.T. Defis	T. Devichand	E. Dole
J.S. Edmunds	P.M. Edwards	D.C. Evans	L.D. Evans
W.J.W. Evans	W.T. Evans	M. Gravell	A.D. Harries
C.P. Higgins	W.G. Hopkins	J.K. Howell	P. Hughes-Griffiths
P.M. Hughes	I.J. Jackson	A. James	J.D. James
D.M. Jenkins	J.P. Jenkins	A.W. Jones	G.O. Jones
H.I. Jones	A. Lenny	M.J.A. Lewis	D.J.R. Llewellyn
K. Madge	J. Owen	P.A. Palmer	D.W.H. Richards
B.A.L. Roberts	H.B. Shepardson	A.D.T. Speake	L.M. Stephens
E.G. Thomas	G.B. Thomas	J. Thomas	M.K. Thomas
R. Thomas	S.E. Thomas	W.G. Thomas	D. Tomos
J. Tremlett	D.E. Williams	J. Williams	J.E. Williams
J.S. Williams			

**Yr oedd y swyddogion canlynol yn gwasanaethu yn y cyfarfod:-**

Mr M. James	- Y Prif Weithredwr
Mr C. Moore	- Cyfarwyddwr y Gwasanaethau Corfforaethol
Mr G. Morgans	- Cyfarwyddwr Addysg a Gwasanaethau Plant Dros Dro
Mr O. Bowen	- Pennaeth y Gwasanaethau Ariannol
Mr J. Fearn	- Pennaeth Eiddo
Ms L. Quelch	- Pennaeth Cynllunio
Ms L. Rees Jones	- Pennaeth Gweinyddiaeth a'r Gyfraith
Mr R. Staines	- Pennaeth Tai a Diogelu'r Cyhoedd
Mr P. Thomas	- Prif Weithredwr Cynorthwyol (Rheoli Pobl a Pherfformiad)
Ms W. Walters	- Prif Weithredwr Cynorthwyol (Adfywio a Pholisi)
Mrs M. Evans Thomas	- Pen-swyddog Gwasanaethau Democraidaidd

**Y Siambr, Neuadd y Sir, Caerfyrddin : 10.00 a.m. - 1.00 p.m. a 2.00 p.m. - 3.20 p.m.**

### 1. YMDDIHEURIADAU AM ABSENOLDEB

Cafwyd ymddiheuriadau am absenoldeb gan y Cyngorwyr J.A. Davies, T. Davies, H.A.L. Evans, P.E.M. Jones, T.J. Jones, W.J. Lemon, S. Matthews, A.G. Morgan, D. Price a G. Thomas.

Dywedwyd wrth y Cyngor fod y Cyngorydd Gwyneth Thomas yn gwella'n dda yn dilyn ei llawdriniaeth, a chytunodd y Cadeirydd i anfon neges ati ar ran y Cyngor yn dymuno adferiad buan iddi.

## 2. DATGANIADAU O FUDDIANNAU PERSONOL.

Y Cynghorydd	Rhif y Cofnod	Y Math o Fuddiant
J.S. Edmunds	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei ferch yn gweithio mewn ysgol.
D.C. Evans	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei wraig yn gweithio yn y Ganolfan Alwadau.
L.D. Evans	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei merch yn athrawes yn un o ysgolion yr Awdurdod.
P. Hughes Griffiths	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei ferch yn athrawes yn y sir.
G.O. Jones	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei wraig yn bennaeth yn y sir.
K. Madge	10 – Strategaeth Cyllideb Refeniw 2017/18 tan 2019/20	Mae ei ferch yn gweithio ym maes gofal cymdeithasol.
H.B. Shepardson	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei ferch yn athrawes yn un o ysgolion yr Awdurdod.
J. Thomas	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei ferch yn athrawes yn y sir.
D.O. Tomos	18 - Cofnodion y Bwrdd Gweithredol 23 Ionawr, 2017 (cofnod 9)	Mae ei ferch yn athrawes yn y sir.
J. Williams	10 – Strategaeth Cyllideb Refeniw 2017/18 tan 2019/20	Mae'n ofalwr di-dâl i'w gŵr.

## 3. CYHOEDDIADAU'R CADEIRYDD / ARWEINYDD

### 3.1. CYHOEDDIADAU'R CADEIRYDD

- Bu i'r Cadeirydd longyfarch y Cynghorydd Kevin Madge a'i deulu ar enedigaeth ei ŵyr, Jac;
- Cydymdeimlwyd â theulu'r cyn-Gynghorydd Sir, Jimmy Morgan, Hendy-gwyn ar Daf, a oedd wedi marw'n ddiweddar.
- Cydymdeimlwyd â'r cyn-Gynghorydd Sir, Gerald Meyler, a'i deulu ar farwolaeth ei wraig, Elaine;
- Cafodd y swyddogion oedd yn ymwneud â Chronfa Bensiwn Dyfed eu llongyfarch ar eu llwyddiant o ran cyflawni statws annibynnol i Gymru o dan y rheoliadau pensiwn newydd a gyflwynwyd gan y llywodraeth ganolog yn ddiweddar;
- Cyfeiriwyd at Bostfeistr Hendy-gwyn ar Daf a'i wraig, sef Mr a Mrs Parri-Roberts, a oedd newydd ymddeol ar ôl 53 mlynedd o wasanaeth. Diolchwyd iddynt am eu hymroddiad a dymunwyd yn dda iddynt yn y dyfodol.

### 3.2. CYHOEDDIADAU'R ARWEINYDD

Dyweddod yr Arweinydd wrth y Cyngor fod Llywodraeth Cymru wedi cydnabod bod sefydlogrwydd a darparu gofal am gyfnod hwy yn gallu cael effaith gadarnhaol ar ganlyniadau'r sawl sy'n gadael gofal. Cafodd cynllun "*Pan Fydda i'n Barod*", sy'n galluogi pobl ifanc i aros gyda gofalwyr maeth hyd nes eu bod yn 21 oed, ei gyflwyno am y tro cyntaf yn 2013-14 a'i roi ar waith ar draws Cymru yn 2015. Ers 2016 roedd pobl ifanc yng Nghymru wedi cael yr hawl i aros mewn gofal maeth hyd nes eu bod yn 21 oed. Roedd "*Gweithredu dros Blant*" yn cefnogi'r newid hwn drwy ymgyrch "*Cyfle i Aros*" yr Awdurdod, a oedd eisoes wedi gwneud gwahaniaeth mawr iawn i bobl ifanc a ddymunai aros mewn cartrefi maeth sefydlog a theuluol.

Fodd bynnag ni fyddai pob person ifanc oedd yn gadael gofal yn elwa ar y diwygiadau hyn, ac roedd perygl y câi rhai o'r bobl ifanc fwyaf agored i niwed, nad oedd eu bywyd mewn gofal wedi bod yn sefydlog, eu heithrio. Roedd angen gwneud mwy i glustnodi'r ffyrdd gorau o'i gwneud yn bosibl i bawb oedd yn gadael gofal aros mewn llety sefydlog, gan gynnwys gofal preswyl, neu symud i dŷ gan gael cymorth a hyblygrwydd. I roi cymorth effeithiol i bobl ifanc yn eu harddegau sydd mewn gofal neu sydd ar gyrion gofal, mae angen buddsoddi adnoddau'n effeithiol ac mae angen ymyriadau cynnar i atal argyfyngau yn y dyfodol.

Yn Sir Gaerfyrddin rydym yn sylweddoli bod angen rhywle diogel ac addas i fyw ar bobl ifanc sy'n gadael gofal, er mwyn eu helpu i dyfu'n oedolion mewn modd cadarnhaol. Wedi'r cyfan mae tai da yn sail i lwyddiant ym meysydd eraill bywyd.

Mae rhai gwendidau wedi cael eu nodi o ran ansawdd a lleoliad yr opsiynau tai â chymorth sydd ar gael i'r sawl sy'n gadael gofal yn Sir Gaerfyrddin, ac mae'r panel rhianta corfforaethol wedi mynegi eu pryderon ar fwy nag un achlysur.

Dyweddod yr Arweinydd wrth y Cyngor fod gwaith yn mynd rhagddo yn yr Awdurdod ar y mater hwn, a bod swyddogion o'r is-adran cefnogi pobl yn aros ar hyn o bryd am fanyleb fanwl gan y gwasanaethau plant ynghylch ail-gomisiynu rhai prosiectau. Roedd swm sylweddol o arian wedi cael ei neilltuo i adran y gwasanaethau plant i'r perwyl hwn.

Er nad oedd dim rhwystr o ran angen i unrhyw un oedd yn gadael gofal gael fflat neu dŷ, yr her oedd sicrhau eu bod yn barod i fyw'n annibynnol a'u bod yn cael eu rhoi yn y lleoliad iawn.

Dymunai'r Arweinydd ei gwneud yn glir y byddai datganiad polisi yn cael ei wneud gan y Bwrdd Gweithredol, a fyddai'n ategu ymrwymiad yr Awdurdod i ddarparu tai addas i'r grŵp hwn o bobl ifanc fel mater o flaenoriaeth.

## 4. COFNODION

### 4.1. 18EG IONAWR, 2017

Cyfeiriwyd at y ffaith bod enw'r Cynghorydd Eryl Morgan ar goll o'r rhestr o aelodau oedd wedi pleidleisio o blaid y gwelliant a'r rhestr o aelodau oedd wedi pleidleisio yn erbyn y cynnig (gweler cofnod 11.1).

**PENDERFYNWYD YN UNFRYDOL** lofnodi bod cofnodion cyfarfod y Cyngor oedd wedi ei gynnal ar 18 Ionawr, 2017 yn gywir, yn amodol ar gynnwys y newid uchod.

#### **4.2. 25AIN IONAWR, 2017**

**PENDERFYNWYD YN UNFRYDOL** lofnodi bod cofnodion cyfarfod y Cyngor oedd wedi ei gynnal ar 25 Ionawr, 2017 yn gywir, yn amodol ar gynnwys y newid uchod.

### **5. RHYBUDD O GYNNIG A GYFLWYNWYD GAN Y CYNGHORYDD SIAN CAIACH:-**

Bu'r Cyngor yn ystyried y Rhybudd o Gynnig canlynol a gyflwynwyd gan y Cynghorydd Sian Caiach:-

"Mae Cyngor Sir Caerfyrddin yn cadarnhau ei ymrwymiad i iechyd y cyhoedd a diogelwch nofwyr a defnyddwyr traethau lle gall fod risg yn sgil dŵr halogedig. Er mwyn gwella'r gwasanaeth presennol, ein bwriad yn y dyfodol yw profi nid yn unig traethau ymdrochi dynodedig ond traethau eraill a ddefnyddir gan y cyhoedd lle mae unrhyw amheuaeth ynghylch ansawdd dŵr gwael. Yn y dyfodol, dylid monitro rhai traethau heb eu dynodi yn y tymor nofio. Yn benodol, byddwn yn monitro'r rheiny ger traethau ymdrochi lle ceir darlenniadau uchel o ran bacteria a hefyd traethau ymdrochi nad ydynt wedi eu dynodi lle cafwyd darlenniadau uchel o ran bacteria yn y gorffennol. Yn y bôn, dylid trin traethau a ddefnyddir gan y cyhoedd lle mae unrhyw risg o ran iechyd yr un peth â thraethau ymdrochi at ddibenion monitro os oes amheuaeth ynghylch halogiad."

Eiliwyd y Cynnig.

Rhoddwyd cyfle i gynigydd ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Yn sgil cael cais gan fwy na 10 o aelodau, yn unol â Rheol 16.4 o Weithdrefnau'r Cyngor, cynhaliwyd pleidlais gofnodedig gyda'r pleidleisiau yn cael eu bwrw fel a ganlyn:-

#### O blaid y Cynnig (31)

Y Cynghorwyr D.J.R.Bartlett, S.M. Caiach, C.A. Campbell, J.M. Charles, A. P. Cooper, D.M. Cundy, A. Davies, G. Davies, S.L. Davies, T. Devichand, J.S. Edmunds, P.M. Edwards, D.C. Evans, A.D. Harries, C.P. Higgins, J.K. Howell, J.D. James, J.P. Jenkins, A.W. Jones, M.J.A. Lewis, K. Madge, E. Morgan, J. Owen, B.A.L. Roberts, H.B. Shepardson, A.D.T. Speake, M.K. Thomas, R. Thomas, W.G. Thomas, J. Williams a J.S. Williams.

#### Yn erbyn y Cynnig (25)

Y Cynghorwyr D.B. Davies, I.W. Davies, T.T. Defis, E. Dole, L.D. Evans, W.J.W. Evans, W.T. Evans, M. Gravell, P. Hughes Griffiths, P.M. Hughes, I.J. Jackson, A. James, D.M. Jenkins, G.O. Jones, H.I. Jones, A. Lenny, D.J.R. Llewellyn, P.A. Palmer, D.W.H. Richards, L.M. Stephens, J. Thomas, S.E. Thomas, J. Tremlett, D.E. Williams a J.E. Williams.

## Ymataliadau (6)

Y Cyngorwyr S.M. Allen, W.R.A. Davies, W.G. Hopkins, E.G. Thomas, G.B. Thomas a D. Tomos.

Dywedodd y Prif Weithredwr fod y mater y cyfeiriwyd ato yn y Rhybudd o Gynnig yn swyddogaeth weithrediaeth ac o'r herwydd fod y Cyngor ond yn gallu cyfeirio'r mater at y Bwrdd Gweithredol i'w ystyried.

**PENDERFYNWYD ARGYMELL I'R BWRDD GWEITHREDOL fod y Rhybudd o Gynnig yn cael ei fabwysiadu.**

## **6. RHYBUDD O GYNNIG A GYFLWYNWYD GAN Y CYNGHORYDD PETER HUGHES GRIFFITHS:-**

Bu'r Cyngor yn ystyried y Rhybudd o Gynnig canlynol a gyflwynwyd gan y Cyngorydd Peter Hughes Griffiths:-

"Mae gwir angen rhoi sylw arbennig ac uniongyrchol i'n hardaloedd gwledig yn Sir Gaerfyrddin. Felly, bod y Cyngor hwn yn sefydlu GWEITHGOR CEFN GWLAD a fyddai'n cynnwys aelodau o'r tri Grŵp sydd ar y Cyngor. Byddai'r Gweithgor (o ddilyn patrwm y Gweithgor Iaith) yn medru ymchwilio i sefyllfa ein hardaloedd gwledig yn Sir Gaerfyrddin trwy gasglu gwybodaeth, ymchwilio a gwahodd a derbyn tystiolaeth, cyn cyflwyno maes o law strategaethau, polisïau a chynllun gweithredu ger bron y Cyngor llawn."

Eiliwyd y Cynnig.

Rhodddwyd cyfle i gynigydd ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Cynigiwyd y Gwelliant canlynol i'r Cynnig gan y Cyngorydd Jeff Edmunds ac eiliwyd y gwelliant:-

"Mae gwir angen rhoi sylw arbennig ac uniongyrchol i'n hardaloedd gwledig yn Sir Gaerfyrddin, ond hefyd ceir problemau sy'n gyffredin ledled ein sir megis tloedi a diffyg trafnidiaeth gyhoeddus addas y mae angen inni roi sylw iddynt hefyd. Gofynnwn i'r Cyngor hwn sefydlu gweithgor sy'n cynnwys aelodau o bob plaid yn y sir i edrych ar y materion y mae pawb yn eu hwynebu mewn ardaloedd gwledig ac ardaloedd trefol. Byddai'r Gweithgor (o ddilyn patrwm y Gweithgor Iaith) yn medru ymchwilio i sefyllfa ein hardaloedd gwledig a threfol yn Sir Gaerfyrddin trwy gasglu gwybodaeth, ymchwilio a gwahodd a derbyn tystiolaeth, cyn cyflwyno maes o law strategaethau, polisïau a chynllun gweithredu ger bron y Cyngor llawn."

Rhodddwyd cyfle i gynigydd ac eilydd y Gwelliant siarad o blaid y Gwelliant a bu iddynt amlinellu'r rhesymau dros ei gyflwyno.

Gwnaed nifer o ddatganiadau o blaid ac yn erbyn y Gwelliant a'r Cynnig.

Dywedodd y Prif Weithredwr fod y mater y cyfeiriwyd ato yn y Rhybudd o Gynnig yn swyddogaeth weithrediaeth ac o'r herwydd fod y Cyngor ond yn gallu cyfeirio'r mater at y Bwrdd Gweithredol i'w ystyried.

Yn dilyn pleidlais

## **PENDERFYNWYD peidio â chefnogi'r Gwelliant i'r Cynnig.**

Yna pleidleisiodd y Cyngor ar y Cynnig terfynol a

## **PHENDERFYNWYD ARGYMELL I'R BWRDD GWEITHREDOL fod y Rhybudd o Gynnig yn cael ei fabwysiadu.**

### **7. RHYBUDD O GYNNIG A GYFLWYNWYD GAN Y CYNGHORYDD ALUN LENNY:-**

Bu'r Cyngor yn ystyried y Rhybudd o Gynnig canlynol a gyflwynwyd gan y Cyngorydd Alun Lenny:-

“Mae'r Cyngor hwn yn cydnabod yr emynydd William Williams, Pantycelyn, Sir Gaerfyrddin, fel un o'r Cymry mwyaf a fu erioed ac yn ymrwmo i gynnal achlysur arbennig i ddathlu trichanmlwyddiant ei eni er mwyn cydnabod ei gyfraniad anferth i emynyddiaeth ar raddfa ryngwladol a'i effaith ar fywyd ein cenedl, yn ogystal ag hyrwyddo gwybodaeth am ei fywyd a'i waith mewn pob cyhoeddusrwydd addas a phosibl gan y cyngor yn ystod gweddill y flwyddyn.”

Eiliwyd y Cynnig.

Rhodddwyd cyfle i gynigydd ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Gwnaed nifer o ddatganiadau yn mynegi cefnogaeth i'r Cynnig.

Dywedodd y Prif Weithredwr fod y mater y cyfeiriwyd ato yn y Rhybudd o Gynnig yn swyddogaeth weithrediaeth ac o'r herwydd fod y Cyngor ond yn gallu cyfeirio'r mater at y Bwrdd Gweithredol i'w ystyried.

## **PENDERFYNWYD ARGYMELL I'R BWRDD GWEITHREDOL fod y Rhybudd o Gynnig yn cael ei fabwysiadu.**

### **8. CWESTIYNAU GAN AELODAU**

Dywedodd y Cadeirydd nad oedd dim cwestiynau wedi dod i law gan yr Aelodau.

### **9. CWESTIYNAU GAN Y CYHOEDD**

Dywedodd y Cadeirydd nad oedd dim cwestiynau wedi dod i law gan y cyhoedd.

### **10. STRATEGAETH Y GYLLIDEB REFENIW 2017/18 - 2019/20**

[SYLWER: Roedd y Cyngorwyr K. Madge a J. Williams wedi datgan buddiant yn yr eitem hon yn gynharach.]

Rhodddwyd gwybod i'r Cyngor fod y Bwrdd Gweithredol, yn ei gyfarfod ar 6 Chwefror 2017 (gweler Cofnod 5), wedi ystyried Strategaeth Cyllideb Refeniw 2017/18 hyd at 2019/20 a'i fod wedi gwneud nifer o argymhellion yn ei chylch, fel y manylwyd arnynt yn adroddiad y Cyfarwyddwr Gwasanaethau Corfforaethol, i'w hystyried gan y Cyngor.

Cafodd y Cyngor gyflwyniad gan yr Aelod o'r Bwrdd Gweithredol dros Adnoddau, ar ran y Bwrdd Gweithredol, lle rhoddodd y cefndir ar gyfer cynigion y gyllideb oedd yn cael eu cyflwyno at ystyriaeth y Cyngor, gan gynnwys y sefyllfa ddiweddaraf o ran Setliad Llywodraeth Cymru, adborth ar y broses ymgynghori ynghylch y gyllideb ynghyd â diweddariadau ar dwf a data dilysu.

Dywedodd fod yr Awdurdod, ers sawl blwyddyn, wedi cydnabod y sefyllfa gyllido anodd roedd yn ei hwynebu, ynghyd â'r angen i wneud pethau'n wahanol a blaenoriaethu sut roedd yn dymuno gwario ei adnoddau prin.

Mae'r cynllun ariannol tymor canolig am y 3 blynedd diwethaf wedi cael ei seilio ar setliadau ariannol negyddol rhwng -1% a -3.8%, sydd wedi gwaethygu bob blwyddyn drwy'r ymrwymadau cynyddol ar feysydd gwasanaeth amrywiol yr Awdurdod, megis gofal cymdeithasol. Fodd bynnag, mae'r Awdurdod wastad wedi gallu pennu cyllideb gytbwys er gwaethaf bod llai o adnoddau, gan gynnal safonau gwasanaethau ar yr un pryd i raddau helaeth.

Dywedodd yr Aelod o'r Bwrdd Gweithredol ein bod ni ond wedi cael setliad am flwyddyn eleni eto, ac er ein bod wedi bod yn ffodus eleni i gael setliad arian parod digyfnewid, roeddid yn rhagweld y byddai setliadau negyddol yn dychwelyd i lywodraeth leol yn y blynyddoedd i ddod. Felly fe ategodd fod angen parhau i ganolbwyntio ar arbedion effeithlonrwydd neu leihau costau er mwyn sicrhau cynaliadwyedd ariannol yr Awdurdod a phennu cyllideb gytbwys i'r dyfodol.

Dywedodd fod y setliad terfynol wedi dod i law ar 21 Rhagfyr ac roedd yn falch cadarnhau bod y setliad eleni yn fwy ffafriol a chefnogol i lywodraeth leol na'r hyn roeddid wedi ei ddisgwyl yn wreiddiol, a hynny yn achos Llywodraeth Cymru a llywodraeth leol. Felly roedd hyn yn golygu bod y Bwrdd Gweithredol wedi gallu rhoi sylw eilwaith i rai o'r cynigion yn amlinelliad y gyllideb wreiddiol ac ystyried opsiynau pellach. Fodd bynnag, gan mai ar gyfer blwyddyn yn unig roedd Llywodraeth Cymru wedi darparu ffigurau, roedd y gallu i ragweld yn y tymor canolig o fewn y cynllun ariannol tymor canolig wedi'i gyfyngu.

Dywedodd yr Aelod o'r Bwrdd Gweithredol fod yr Awdurdod - wrth ymateb i'r gwasgafeydd parhaus a'r lleihad go iawn o ran y cyllid, ynghyd â sicrhau ar yr un pryd fod y cynnydd o ran y Dreth Gyngor cyn lleied ag y bo modd - wedi gorfod dal ati i chwilio am arbedion effeithlonrwydd o ran y modd yr oedd yn darparu gwasanaethau ac, yn anffodus, mewn rhai achosion, wedi gorfod edrych ar lefel y gwasanaethau. Yn y 3 blynedd diwethaf roedd tua £37m o wariant cylchol wedi ei naddu o wariant blynyddol y Cyngor a byddai'r duedd honno'n parhau dros y tair blynedd nesaf, gyda lleihad pellach o £25m, gan gymryd bod lleihad o 1% o ran y cyllid i lywodraeth leol yn ystod yr ail a'r drydedd flwyddyn.

Hefyd cyfeiriodd yr Aelod o'r Bwrdd Gweithredol at yr ymgynghori eang ynghylch y gyllideb a oedd wedi rhoi bod i adborth sylweddol ar y cynigion gwreiddiol a roddwyd gerbron. Roedd yn glir bod y bobl leol oedd yn rhan o'r broses ymgynghori yn sylweddoli bod angen gwneud penderfyniadau anodd.

O ganlyniad i'r ymgynghoriad a'r ffaith bod yr Awdurdod wedi elwa ar setliad cadarnhaol, newidiadau mewn dilysu, a chyfle i adolygu'r Ddarpariaeth Isafswm Refeniw, yr oeddent oll gyda'i gilydd wedi peri i sefyllfa'r Awdurdod o ran y gyllideb fod yn un gadarnhaol. Roedd y Bwrdd Gweithredol wedi argymhell rhai newidiadau

i'r cynigion cychwynnol a ystyriwyd fel rhan o'r ymgynghoriad, ac roedd y rhain wedi'u manylu yn adroddiad y Cyfarwyddwr Gwasanaethau Corfforaethol. Dywedodd y byddai mabwysiadu'r cynigion yn golygu y byddai'r gyllideb £1.92m yn fwy, ac yn cydnabod ac ymateb i'r pryderon sylweddol a fynegwyd yn y broses ymgynghori. Gyda'r newidiadau hyn, argymhellodd fod y cynnydd yn y Dreth Gyngor yn parhau ar y lefel a gynigiwyd sef 2.5%, a gefnogwyd gan y mwyafrif o'r ymatebwyr i'r ymgynghoriad.

Eglurodd yr Aelod o'r Bwrdd Gweithredol fod tri amcan clir mewn golwg gan yr Aelod o'r Bwrdd Gweithredol drwy gydol proses y gyllideb sef:-

1. paratoi'r Awdurdod ar gyfer unrhyw ostyngiadau mewn cyllid a allai ddod;
2. sicrhau cyn belled ag y gellir fod lefelau a safonau'r gwasanaethau'n cael eu cynnal;
3. cydnabod bod ein dinasyddion hefyd yn ei chael hi'n anodd yn yr hinsawdd sydd ohoni a lleihau cymaint â phosibl ar unrhyw gynnydd yn y dreth gyngor.

Ychwanegodd nad oedd yr amcanion hyn yn annibynnol ar ei gilydd yn anffodus. Byddai cynnydd bach yn y Dreth Gyngor y flwyddyn nesaf yn ychwanegu at y problemau cyllidebol yn y dyfodol, ac i'r gwrthwyneb, byddai cynnydd mawr yn y Dreth Gyngor, er yn gymorth o ran cynllunio cyllidebol yn y dyfodol a chynnal gwasanaethau, yn cosbi talwyr presennol y Dreth Gyngor yn ormodol.

Roedd o'r farn fod y cynlluniau gwariant a gyflwynwyd i'r Cyngor gyda chynnydd o 2.50% yn y Dreth Gyngor, a oedd yn debygol o fod yn llai na llawer ar hyd a lled Cymru, yn gydbwysedd teg rhwng yr holl amcanion hyn. Fodd bynnag pwysleisiodd, er mwyn cyflawni hyn, fod gweddillau wedi eu gadael unwaith eto ar y lefel isaf y gallai'r Cyfarwyddwr ei chefnogi, ac yr oeddid wedi rhagdybio y byddai arbedion effeithlonrwydd sylweddol. Dyma oedd dau yn unig o'r risgiau oedd wedi eu cynnwys yn y strategaeth a byddai'n rhaid i unrhyw orwariannau neu wasgbwyntiau posibl ar wasanaethau gael eu monitro'n ofalus yn ystod y flwyddyn.

Cyfeiriodd yr Aelod o'r Bwrdd Gweithredol at y cronfeydd wrth gefn wedi'u clustnodi oedd gan yr Awdurdod a phwysleisiodd bod angen cymryd gofal mawr wrth ystyried defnyddio cronfeydd o'r fath at ddibenion heblaw am y rheiny yr oeddent wedi eu creu ar eu cyfer, oherwydd gallai gwneud hynny beri i'r Awdurdod orfod ysgwyddo cyfrifoldebau sylweddol yn y dyfodol nad oeddent wedi eu cyllido.

I gloi, bu i'r Aelod o'r Bwrdd Gweithredol ddiolch i'r cyhoedd am ymateb mor gadarnhaol i'r ymgynghoriad a chanmol gwaith diflino'r Prif Weithredwr, Cyfarwyddwr y Gwasanaethau Corfforaethol a'r holl swyddogion oedd yn gysylltiedig â llunio'r gyllideb, gan gyfeirio at eu cymorth o ran cynnal perfformiad y Cyngor a darparu gwasanaethau am gost resymol i'r trethdalwr.

Yna fe gynigiodd argymhellion y Bwrdd Gweithredol o ran Strategaeth Cyllideb 2017/18, y cynnydd o 2.50% yn y Dreth Gyngor a chymeradwyo'r cynllun ariannol tymor canolig fel sylfaen ar gyfer cynllunio ariannol yn y dyfodol. Eiliwyd y Cynnig.

Yna cynigiwyd ac eiliwyd y gwelliant canlynol:-

Cynyddu'r Dreth Gyngor i 4.5% er mwyn gweithredu'r cynigion canlynol:



- cyfrannu £400,000 at y gyllideb addysg ar yr amod bod yr arian hwn yn cael ei ddefnyddio i ddiogelu dyraniad staff yr ysgolion mwyaf anghenus;
- gwaredu'r toriad o £70,000 i Anghenion Addysgol Arbennig
- buddsoddi £150,000 i ddechrau mentrau busnes newydd, i'w adnewyddu'n flynyddol drwy'r Dreth Gyngor;
- mynd â £100,000 y flwyddyn o'r Dreth Gyngor i ehangu a gwella'r cynllun parcio a theithio yn Ysbyty Glangwili;
- buddsoddi £250,000 o'r Dreth Gyngor i gynyddu staff yn yr Adrannau Tiroedd a Glanhau;
- gwaredu'r gostyngiad o £10,000 yn y gyllideb ar gyfer brecwast am ddim;
- tynnu'n ôl y cynnydd ym mhpris prydau ysgol ar gost o £100,000 i'r gyllideb refeniw;
- rhoi £25,000 i'r gyllideb o'r Dreth Gyngor i gyllido cynlluniau peilot i edrych ar ffyrdd o fwydo plant a thynnu'r pwysau oddi ar rieni;
- tynnu'n ôl y gostyngiad o £30,000 mewn cyllid craidd ar gyfer y gwasanaeth cerdd mewn ysgolion;
- tynnu'n ôl y gostyngiad mewn cyllid ar gyfer hebryngwyr ysgol ar gost o £55,000;
- tynnu'n ôl y lleihad arfaethedig mewn llyfrgelloedd ar gost o £30,000;
- neilltuo £60,000 o'r Dreth Gyngor i wneud iawn am y diffyg yr oedd ei angen i gynyddu darpariaeth wardiau ar y safle mewn Cynlluniau Tai Gwarchod;
- gwaredu'r toriadau arfaethedig o ran gofal cartref dau ofalwr ar gost o £100,000;
- gwaredu'r toriadau o'r ddwy raglen ailalluogi ar gost o £30,000 a £50,000;
- gwaredu'r toriad arfaethedig o £20,000 i'r gwasanaeth Pryd ar Glud o'r gyllideb;
- gwneud buddsoddiad o £60,000 ar gyfer staff ychwanegol cysylltiedig â'r Adrannau Tai a Chyfrifon i ddarparu cyngor ar hawliadau fudd-daliadau ac ati.
- neilltuo swm o £30,000 ar gyfer rhywun i gydlynu data a ddadansoddir;
- neilltuo buddsoddiad o £30,000 yn flynyddol i dîm TIC i'w alluogi i gydweithio â'r Undebau.

Amlinellwyd y rhesymau dros y gwelliannau hyn gan y cynigydd a'r eilydd.

Yn sgil cael cais gan fwy na 10 o aelodau, yn unol â Rheol 16.4 o Weithdrefnau'r Cyngor, cynhaliwyd pleidlais gofnodedig ynghylch y gwelliannau gyda'r pleidleisiau yn cael eu bwrw fel a ganlyn:-

#### O blaid y Gwelliant (19)

Y Cynghorwyr D.J.R. Bartlett, S.M. Caiach, A.P. Cooper, D.M. Cundy, S.L. Davies, T Devichand, J.S. Edmunds, P.M. Edwards, D.C. Evans, C.P. Higgins, J.D. James, A.W. Jones, K. Madge, E. Morgan, B.A.L. Roberts, M.K. Thomas, R. Thomas, W.G. Thomas a J. Williams

#### Yn erbyn y Gwelliant (41)

Y Cynghorwyr S.M. Allen, C.A. Campbell, J.M. Charles, A. Davies, D.B. Davies, G. Davies, I.W. Davies, W.R.A. Davies, T.T. Defis, E. Dole, L.D. Evans, W.J.W. Evans, W.T. Evans, M. Gravell, A.D. Harries, W.G. Hopkins, J.K. Howell, P.

Hughes Griffiths, P.M. Hughes, I.J. Jackson, A. James, D.M. Jenkins, G.O. Jones, H.I. Jones, A. Lenny, M.J.A. Lewis, D.J.R. Llewellyn, J. Owen, P.A. Palmer, D.W.H. Richards, A.D.T. Speake, L.M. Stephens, E.G. Thomas, G.B. Thomas, J. Thomas, S.E. Thomas, D. Tomos, J. Tremlett, D.E. Williams, J.E. Williams a J.S. Williams

## Ymataliadau (1)

Y Cyngorydd J.P. Jenkins

### **PENDERFYNWYD peidio â chefnogi'r Gwelliant i'r Cynnig.**

Yna pleidleisiodd y Cyngor ar y Cynnig terfynol a

### **PHENDERFYNWYD mabwysiadu'r Cynnig a mabwysiadu'r argymhellion canlynol gan y Bwrdd Gweithredol:-**

#### **“10.1 cymeradwyo Strategaeth Cyllideb 2017/18, yn amodol ar y gwelliannau canlynol:-**

**10.1.1 bod y cynnig mewn perthynas â grantiau i'r sector gwirfoddol yn cael ei gyflwyno'n raddol dros gyfnod hirach o amser a bod £135k o'r gostyngiad arfaethedig yn cael ei wrthdroi a bod gostyngiad o £35k fesul blwyddyn yn cael ei gyflwyno'n raddol dros y blynyddoedd nesaf, gan ddechrau yn 2017/18;**

**10.1.2 bod y cynnig i drosglwyddo neu gau Canolfan Hamdden Sanclêr yn cael ei ailystyried a fyddai'n golygu tynnu'r arbedion 3 blynedd o £96k yn eu hól, yr oedd £16k o'r arbedion hynny mewn perthynas â blwyddyn ariannol 2017/18;**

**10.1.3 bod yr arbedion arfaethedig ar gyfer y Gwasanaeth Ieuentid mewn perthynas â Chanolfan y Cei, Caerfyrddin yn cael eu haneru a fyddai'n caniatáu £10k yn ychwanegol i gefnogi'r Gwasanaeth Ieuentid;**

**10.1.4 ychwanegu £1.76m at y Gyllideb Ysgolion Dirprwyedig a fyddai'n sicrhau ei bod mewn sefyllfa niwtral yn ariannol eto;**

**10.2 Bod y Dreth Gyngor Band D ar gyfer 2017/18 i'w gosod ar £1,145.61 (cynnydd o 2.50% ar gyfer 2017/18);**

**10.3 Bod y cynllun ariannol tymor canolig dros dro (gan gynnwys y newidiadau a nodwyd uchod) yn cael ei gymeradwyo yn sylfaen i gynllunio ar gyfer y blynyddoedd sydd i ddod.”**

## **11. GOHIRIAD**

Am 1.00 p.m. tynnwyd sylw'r Cyngor at Reol 9.1 o Weithdrefn y Cyngor sef "Hyd Cyfarfodydd" ac oherwydd bod y cyfarfod wedi bod yn mynd rhagddo ers tair awr

**PENDERFYNWYD y dylid gohirio'r materion a oedd yn weddill ar yr agenda tan 2.00 p.m. y diwrnod hwnnw.**

## 12. Y CYFARFOD YN AILYMGYNNULL

Ailymgynullodd y Cyngor yn y Siambr, Neuadd y Sir, Caerfyrddin am 2.00 p.m.

### YN BRESENNOL : Y Cynghorydd E. Morgan [Cadeirydd]

#### Cynghorwyr:

S.M. Allen	E. Dole	J.D. James	G.B. Thomas
D.J.R. Bartlett	J.S. Edmunds	D.M. Jenkins	J. Thomas
S.M. Caiach	P.M. Edwards	A.W. Jones	M.K. Thomas
C.A. Campbell	D.C. Evans	G.O. Jones	R. Thomas
J.M. Charles	L.D. Evans	H.I. Jones	W.G. Thomas
A.P. Cooper	W.T. Evans	M.J.A. Lewis	J. Tremlett
D.M. Cundy	M. Gravell	K. Madge	D.E. Williams
A. Davies	A.D. Harries	P.A. Palmer	J.E. Williams
D.B. Davies	C.P. Higgins	D.W.H. Richards	J.S. Williams
G. Davies	J.K. Howell	B.A.L. Roberts	
S.L. Davies	P. Hughes Griffiths	A.D.T. Speake	
T. Devichand	I.J. Jackson	L.M. Stephens	

#### Roedd y swyddogion canlynol yn bresennol yn y cyfarfod:-

- Mr M. James - Y Prif Weithredwr
- Mr C. Moore - Cyfarwyddwr y Gwasanaethau Corfforaethol
- Mr G. Morgans - Cyfarwyddwr Addysg a Gwasanaethau Plant Dros Dro
- Mr O. Bowen - Pennaeth y Gwasanaethau Ariannol
- Mr J. Fearn - Pennaeth Eiddo
- Ms L. Quelch - Pennaeth Cynllunio
- Ms L. Rees Jones - Pennaeth Gweinyddiaeth a'r Gyfraith
- Mr R. Staines - Pennaeth Tai a Diogelu'r Cyhoedd
- Mr P. Thomas - Prif Weithredwr Cynorthwyol (Rheoli Pobl)
- Mrs W. Walters - Prif Weithredwr Cynorthwyol (Adfywio a Pholisi)
- Mrs M. Evans Thomas - Pen-swyddog Gwasanaethau Democraataidd

## 13. RHAGLEN GYFALAF PUM MLYNEDD (CRONFA'R CYNGOR) 2017/18 - 2021/22

Rhoddwyd gwybod i'r Cyngor fod y Bwrdd Gweithredol, yn ei gyfarfod ar 6 Chwefror 2017 (gweler Cofnod 6), wedi ystyried y Rhaglen Gyfalaf Bum Mlynedd am y cyfnod rhwng 2016/17 a 2020/21, a'i fod wedi gwneud nifer o argymhellion yn ei chylch, fel y manylwyd arnynt yn adroddiad Cyfarwyddwr y Gwasanaethau Corfforaethol, i'w hystyried gan y Cyngor.

Cafodd y Cyngor gyflwyniad gan yr Aelod o'r Bwrdd Gweithredol dros Adnoddau, ar ran y Bwrdd Gweithredol, am y Rhaglen Gyfalaf Bum Mlynedd a adlewyrchai'r Strategaeth Gorfforaethol bresennol ac a gefnogai blaenoriaethau a dyheadau strategol yr Awdurdod.

Rhoddodd yr Aelod o'r Bwrdd Gweithredol wybod i'r Cyngor fod y rhaglen gyfalaf yn rhagweld gwariant amcangyfrifedig o fwy na £210m dros y 5 mlynedd, ac eglurodd taw'r nod oedd cyflawni nifer o brosiectau allweddol er mwyn creu swyddi a gwella ansawdd bywyd pobl Sir Gaerfyrddin.

Dywedodd yr Aelod o'r Bwrdd Gweithredol wrth y Cyngor fod y cyllid ar gyfer y rhaglen hon tua £124m ar hyn o bryd a bod £85m arall yn dod o gyrff cyllid grant allanol. Fel yn achos y gyllideb refeniw, roedd Llywodraeth Cymru ond wedi darparu ffigurau setliad am flwyddyn, ac felly roedd y rhaglen wedi'i seilio ar fenthycâ chymorth yn y dyfodol a grant cyffredinol ar yr un lefel â 2017/18.

Er bod sylfaen y rhaglen gyfalaf yn rhaglen dreigl, flwyddyn ar ôl blwyddyn, a oedd yn cynnwys buddsoddiad sylweddol mewn meysydd fel Rhaglen Ysgolion yr 21ain Ganrif, Prifffyrdd, Adfywio a Thai, mae'r Awdurdod unwaith yn rhagor wedi gallu cynnwys rhai prosiectau a blaenoriaethau newydd yn y rhaglen yr oedd o'r farn eu bod yn bwysig i'r sir. Roedd clustnodi cyllid ar gyfer y prosiectau ychwanegol hyn yn y rhaglen gyfalaf wedi bod yn her eleni, ac yn enwedig y gwaith brys roedd angen ei wneud yn Harbwr Porth Tywyn. Fodd bynnag, roedd adolygu'r polisi Darpariaeth Isafswm Refeniw wedi helpu gyda'r cyllid ychwanegol hwn.

Dywedodd yr Aelod o'r Bwrdd Gweithredol y byddai monitro'r cynlluniau a'r cyllid yn hanfodol wrth symud ymlaen ac y byddai angen rheoli hynny'n ofalus. Roedd yn falch o gael dweud bod y rhaglen, fel roedd wedi'i chyflwyno, wedi'i chyllido'n llawn hyd at 2020/21 gyda diffyg bach yn unig ym mlwyddyn olaf y rhaglen, sef 2021/22.

Yna fe gynigiodd argymhellion y Bwrdd Gweithredol mewn perthynas â'r Rhaglen Gyfalaf Bum Mlynedd (Cronfa'r Cyngor) a'r cyllid arfaethedig ar ei chyfer, yn unol â manylion yr adroddiad. Eiliwyd y Cynnig.

Gwnaed y sylwadau canlynol:-

- Mynegwyd pryder nad oedd digon o arian wedi'i neilltuo yn natganiadau'r gyllideb i gefnogi a darparu ar gyfer y 30,000 o bobl yr oedd disgwyl iddynt symud i mewn i'r sir dros y 4 blynedd nesaf, fel y cytunwyd yn y Cynllun Datblygu Lleol;
- Mynegwyd pryder fod yr ysgol gynradd newydd oedd i'w chodi yn Nyffryn Aman wedi'i hisraddio pan oedd angen dirfawr amdani;
- Cyfeiriwyd at y seilwaith prifffyrdd a mynegwyd pryder nad oedd rhagor o fuddsoddiad wedi'i neilltuo at y diben hwn.

**PENDERFYNWYD YN UNFRYDOL fabwysiadu'r argymhellion canlynol gan y Bwrdd Gweithredol:-**

**“13.1 Bod y Rhaglen Gyfalaf Bum Mlynedd a'r cyllid, fel y'i nodwyd yn Atodiad B, gyda 2017/18 yn gyllideb bendant a chyllidebau 2018/19 a 2021/22 yn gyllidebau amhendiant/dangosol, yn cael eu cymeradwyo;**

**13.2 Bod cyllideb 2021/22 yn cael ei hadolygu dros y flwyddyn i ddod er mwyn ymdrin â'r diffyg yn y cyllid;**

**13.3 Bod y rhaglen yn cael ei hadolygu, yn ôl yr arfer, oni lwyddir i gael y cyllid Cyngor Sir neu allanol disgwylidig.”**

#### **14. CYFRIF CYLLIDEB REFENIW TAI 2017/18 - 2019/20 A LEFELAU RHENTI TAI 2017/18**

Hysbyswyd y Cyngor fod y Bwrdd Gweithredol, yn ei gyfarfod ar 6 Chwefror 2017 (gweler Cofnod 7), wedi ystyried Cyllideb y Cyfrif Refeniw Tai 2017/18 hyd at 2019/20 a Phennu Rhenti Tai ar gyfer 2017/18 a'i fod wedi gwneud nifer o

argymhellion, fel y manylwyd arnynt yn adroddiad y Cyfarwyddwr Gwasanaethau Corfforaethol, i'w hystyried gan y Cyngor.

Cafodd y Cyngor gyflwyniad gan yr Aelod o'r Bwrdd Gweithredol dros Adnoddau, ar ran y Bwrdd Gweithredol, ar gynigion y Cyllidebau Refeniw a Chyfalaf ar gyfer y Cyfrif Refeniw Tai 2017 hyd at 2020. Roedd yn adleisio nodau'r Awdurdod yn y Cynllun Busnes 3 blynedd 2017/18 hyd at 2019/20, sef y prif gyfrwng cynllunio ariannol ar gyfer cyrraedd Safon Tai Sir Gaerfyrddin a Mwy (CHS+) a'n Strategaeth Tai Fforddiadwy.

Dywedodd yr Aelod o'r Bwrdd Gweithredol fod y buddsoddiad cyfalaf o £231m yn y cynllun busnes presennol wedi sicrhau bod ein tenantiaid yn elwa ar Safon Tai Sir Gaerfyrddin a Mwy, ac wrth gamu ymlaen roedd y gyllideb wedi cael ei llunio mewn modd oedd yn gofalu bod y cyllid priodol yn cael ei ddyrannu er mwyn cynnal Safon Tai Sir Gaerfyrddin a Mwy yn achos holl eiddo'r Cyngor i'r dyfodol. Dros y 5 mlynedd nesaf roedd yn cael ei ragweld y byddai tua £50m yn cael ei wario ar gynnal a gwella ein stoc. Hefyd roedd y gyllideb yn darparu cyllid o ryw £36m dros y 5 mlynedd nesaf i gefnogi'r Strategaeth Tai Fforddiadwy, a fydd yn gweld cynnydd yng nghyflenwad tai fforddiadwy ar hyd a lled y sir drwy wahanol atebion gan gynnwys y rhaglen adeiladu tai newydd a'r cynllun prynu'n ôl.

Eglurodd yr Aelod o'r Bwrdd Gweithredol ei bod yn ofynnol i'r Awdurdod, ers 2015, fabwysiadu Polisi Cysoni Rhent Tai Cymdeithasol Llywodraeth Cymru, a olygai bod y cynnydd arfaethedig mewn rhent oedd gerbron yr aelodau wedi'i ragnodi gan gyfarwyddyd Llywodraeth Cymru. Byddai'r codiadau arfaethedig hyn yn golygu y byddai'r cynnydd cyfartalog mewn rhent ar gyfer y sir yn £2.84 yr wythnos, a byddai angen i'r Awdurdod barhau â'r polisi hwn gan Lywodraeth Cymru nes i'r eiddo gyrraedd y rhent targed a bennwyd gan Lywodraeth Cymru.

Ychwanegodd, yn achos Sir Gaerfyrddin, mai ein rhent targed pwynt canol cyfartalog ar gyfer y flwyddyn nesaf oedd £84.67, a phe byddai argymhellion yr adroddiad yn cael eu cymeradwyo, byddai ein rhent cyfartalog yn £81.77, a oedd ychydig yn is na'r rhent targed pwynt canol.

Dywedodd yr Aelod o'r Bwrdd Gweithredol ei bod yn anodd cael cydbwysedd rhwng effaith y cynnydd mewn rhent ar denantiaid a'r angen i bennu'r rhent yn unol â pholisi Llywodraeth Cymru, gan sicrhau ar yr un pryd bod yr Awdurdod yn gallu parhau i gynhyrchu cynllun busnes cynaliadwy ar gyfer bwrw ymlaen â Safon Tai Sir Gaerfyrddin a Mwy a'r Strategaeth Tai Fforddiadwy.

Wrth gynnig yr argymhellion yn yr adroddiad, dywedodd fod y Pwyllgor Craffu - Cymunedau wedi cefnogi'r cynigion yn unfrydol yn ei gyfarfod ar 20 Ionawr 2017.

## **PENDERFYNWYD mabwysiadu'r argymhellion canlynol gan y Bwrdd Gweithredol:-**

### **“14.1 Cynyddu'r rhent yn unol â chanllawiau Llywodraeth Cymru h.y.:-**

- **Bydd eiddo 'rhenti targed' yn cynyddu 2.5% (Mynegai Prisiau Defnyddwyr + 1.5%)**
- **Yn achos eiddo lle mae'r rhent yn is na'r targed rhent, bydd y rhent yn cynyddu 2.5% (Mynegai Prisiau Defnyddwyr + 1.5%) a cham cynnydd mwyaf o £2**

- **Bod yr eiddo a oedd yn uwch na'r targed rhent yn cael eu rhewi hyd nes iddynt ddod yn unol â'r targed**

**Gan arwain felly at gynnydd yn y rhent ar gyfartaledd o £2.84, at gynllun busnes cynaliadwy, at gynnal Safon Tai Sir Gaerfyrddin a Mwy ac at ddarparu adnoddau i'r Rhaglen Tai Fforddiadwy;**

- 14.2 Parhau â'r cynnydd mwyaf posibl o £2 ar gyfer rhenti sy'n is na'r targed, hyd nes y cyrhaeddir y rhenti targed;**
- 14.3 Codi rhent garejis i £9.00 yr wythnos (o £8.75 yn 2016/17) a chodi'r rhent am seiliau garejis i £2.25 yr wythnos yr wythnos (o £2.20 yn 2016/17);**
- 14.4 Rhoi'r polisi taliadau am wasanaethau ar waith er mwyn sicrhau bod y tenantiaid sy'n cael budd o wasanaethau penodol yn talu am y gwasanaethau hynny;**
- 14.5 Cynyddu'r taliadau am ddefnyddio ein gweithfeydd trin carthffosiaeth yn unol â'r cynnydd mewn rhent;**
- 14.6 Cymeradwyo'r Rhaglen Gyfalaf arfaethedig a'r cyllid perthnasol ar gyfer 2017/18 a'r gwariant dangosol ar gyfer 2018/19 hyd at 2021/22 fel y'u nodwyd yn Atodiad A i'r adroddiad;**
- 14.7 Cymeradwyo Cyllideb y Cyfrif Refeniw Tai ar gyfer 2017/20 (cyllidebau amhendant yw rhai 2018/19 a 2019/20), fel y nodwyd yn Atodiad B.”**

**15. SAFON TAI SIR GAERFYRDDIN A MWY (STSG+) "DARPARU'R PETHAU PWYSIG" - CYNLLUN BUSNES 2017-20;**

Dywedwyd wrth y Cyngor fod y Bwrdd Gweithredol, yn ei gyfarfod ar 6 Chwefror, 2017 (gweler cofnod 8) wedi ystyried Cynllun Busnes Safon Tai Sir Gaerfyrddin a Mwy (CHS+) "Cyflawni'r Hyn sydd o Bwys" 2017-20, yr oedd ei ddiben fel a ganlyn:-

- egluro gweledigaeth a manylion Safon Tai Sir Gaerfyrddin a Mwy dros y tair blynedd nesaf, a'r hyn y mae'r Safon yn ei olygu i'r tenantiaid;
- cadarnhau'r proffil ariannol, yn seiliedig ar y rhagdybiaethau presennol, ar gyfer cyrraedd Safon Tai Sir Gaerfyrddin a Mwy dros y tair blynedd nesaf; a
- llunio cynllun busnes y cais blynyddol i Lywodraeth Cymru am Lwfans Atgyweiriadau Mawr (MRA), 2017/18, sy'n gyfwerth â £6.1m.

Dywedodd yr Aelod o'r Bwrdd Gweithredol dros Dai pe bai'r adroddiad a'i argymhellion yn cael eu mabwysiadu, byddai'n arwain at wario rhyw £55m dros y tair blynedd nesaf ar gynnal a chadw a gwella ymhellach gynllun Safon Tai Sir Gaerfyrddin a Mwy (£25m) a darparu'r Cynllun Tai Fforddiadwy (£30m) drwy ystod o ddatrysiadau gan gynnwys tai newydd.

PENDERFYNWYD mabwysiadu'r argymhellion canlynol gan y Bwrdd Gweithredol:-

- “15.1 Cadarnhau gweledigaeth Safon Tai Sir Gaerfyrddin a Mwy, ynghyd â'r rhaglen ariannol a chyflawni ar gyfer y tair blynedd nesaf;**
- 15.2 Cadarnhau bod y Cynllun yn cael ei gyflwyno i Lywodraeth Cymru.”**

**16. POLISI RHEOLI'R TRYSORLYS A STRATEGAETH 2017-18**

Hysbyswyd y Cyngor fod y Bwrdd Gweithredol, yn ei gyfarfod ar 6 Chwefror 2017 (gweler Cofnod 9), wedi ystyried Polisi a Strategaeth Rheoli'r Trysorlys 2017/18.

Dyweddod yr Aelod o'r Bwrdd Gweithredol wrth y Cyngor fod yn rhaid i'r Cyngor, yn unol â gofynion Côt Ymarfer diwygiedig CIPFA ynghylch Rheoli'r Trysorlys, gynnal Polisi Rheoli'r Trysorlys a oedd yn manylu ar bolisïau ac amcanion gweithgareddau'r Awdurdod o ran Rheoli'r Trysorlys, a hefyd gymeradwyo Strategaeth Rheoli'r Trysorlys yn flynyddol cyn dechrau'r flwyddyn ariannol yr oedd yn ymwneud â hi. Hefyd, dan Ddeddf Llywodraeth Leol 2003, roedd yn ofynnol i'r Cyngor gymeradwyo Dangosyddion Rheoli'r Trysorlys ar gyfer y flwyddyn i ddod.

Yn unol â'r gofynion uchod, rhoddodd y Cyngor ystyriaeth i'r Polisi a'r Strategaeth Rheoli'r Trysorlys ar gyfer blwyddyn ariannol 2017/18.

**PENDERFYNWYD YN UNFRYDOL fabwysiadu'r argymhellion canlynol gan y Bwrdd Gweithredol:-**

- “16.1 Bod Polisi a Strategaeth Rheoli'r Trysorlys ar gyfer 2017/18 a'r argymhellion a nodwyd ynddynt yn cael eu cymeradwyo;**
- 16.2 Bod y Dangosyddion Rheoli'r Trysorlys, y Dangosyddion Darbodaeth, y Datganiad ynghylch y Ddarpariaeth Isafswm Refeniw a'r argymhellion yn cael eu cymeradwyo.”**

**17. GORCHYMYN DATBLYGU LLEOL DRAFFT - CANOL TREF LLANELLI**

Rhoddwyd gwybod i'r Cyngor fod y Bwrdd Gweithredol, yn ei gyfarfod ar 6 Chwefror 2017 (gweler Cofnod 13), wedi ystyried adroddiad ar gynigion drafft i gyflwyno Gorchymyn Datblygu Lleol ar gyfer Canol Tref Llanelli gyda'r nod o adlewyrchu'r amcanion adfywio corfforaethol ar gyfer canol y dref, ac ar yr un pryd sicrhau bod y materion ynghylch bywiogrwydd a hyfywedd canol y dref yn cael ystyriaeth briodol gan ddefnyddio darpariaethau'r polisi cynllunio cenedlaethol.

Petai'r Gorchymyn yn cael ei gyflwyno, byddai'n caniatáu ystod o ddefnyddiau o fewn ardal ofodol benodol heb angen cyflwyno cais cynllunio i'r Awdurdod Cynllunio Lleol, yn amodol ar yr Awdurdod yn rhoi 'tystysgrif cydymffurfiaeth'.

**PENDERFYNWYD YN UNFRYDOL fabwysiadu'r argymhellion canlynol gan y Bwrdd Gweithredol:-**

- “17.1 Bod yr adroddiad, a chwmpas y Gorchymyn Datblygu Lleol arfaethedig yn cael eu cymeradwyo i'w hystyried drwy gyfrwng y broses adrodd ddemocrataidd;**
- 17.2 Cymeradwyo cyhoeddi'r Gorchymyn Datblygu Lleol terfynol ar gyfer ymgynghoriad cyhoeddus am gyfnod o 6 wythnos o leiaf;**
- 17.3 Bod awdurdod dirprwyedig yn cael ei roi i swyddogion baratoi tystiolaeth i gefnogi'r Gorchymyn Datblygu Lleol;**
- 17.4 Bod awdurdod dirprwyedig yn cael ei roi i swyddogion wneud mân newidiadau golygyddol a ffeithiol i'r Gorchymyn Datblygu Lleol.”**

**18. Y BWRDD GWEITHREDOL - 23AIN IONAWR, 2017**

[SYLWER: Roedd y Cynghorwyr J.S. Edmunds, D.C. Evans, L.D. Evans, P. Hughes Griffiths, G.O. Jones, H.B. Shepardson, J. Thomas a D.O. Tomos wedi datgan buddiant yn yr eitem hon yn gynharach.]

**PENDERFYNWYD YN UNFRYDOL fod adroddiad y cyfarfod uchod yn cael ei dderbyn.**

**19. Y BWRDD GWEITHREDOL - 6ED CHWEFROR, 2017**

**PENDERFYNWYD YN UNFRYDOL fod adroddiad y cyfarfod uchod yn cael ei dderbyn.**

---

**CADEIRYDD**

---

**DYDDIAD**